

BO-ÀR CÒMRUP KÒI PÒL POYOA TÒ TIMOTHE

Ponuaĩ Cuã-Rowăng

¹ Pôl, mơnih tōdi-tōdài Yàng Jêsu Krist, tui gōnuār-pōđār Yàng Pô Lōngì la Yàng Dōng-Pōklàh buōl gudrōi, sōng tui gōnuār-pōđār Yàng Jêsu Krist, la pōnuai gōnùm-càng buōl gudrōi,

² poyoa tō Timōthe, la anà phũn kōu lăm pōnuai păng-tui: Yòng lōkōu Yàng Pô Lōngì, Ama buōl gudrōi, sōng Yàng Jêsu Krist, Yàng buōl gudrōi, bōi pōnuai anit-bōi-soh, pōnuai rōnãm-anit sōng pōnuai rīng-lōngai tō anà!

Poto-Kōkōi Pāl Cō-Kormăp Mũng Pōnuai Poto-Pōsài Sũng Asũ

³ Yōu kōu hũ poto-kōkōi anà tũ kōu nau tō Masedoan, anà pāl dò wǒ lăm Ephesô tō poto-pōkōũ du mōnih dih 'buh hũ poto sa jolàn duh-dōlbăt pōkōn,

⁴ kũng juoi luoi hōtai-akō păng-sōnũng truh du pōnuai wĩ-wǒ 'buh hũ biã, gãm sōng du pōnuai tui yau duah jōi 'buh tũ lōi lũi, la du pōnuai mĩn ba truh bruã tãmpōrjai-mōsau gōũ rōlau la pōh-lōnàng bruã Yàng Pô Lōngì lăm pōnuai păng-tui.

⁵ Pōnuai-phũn mũng bruã poto-pōđār la pōnuai uōn-rōnãm, tōbiã truh mũng sa

hótai-hotiàn goh-sóçih, hótai-hotiàn topă-siàm,
sống pơnuai păng-tui topă-tope 'buh mothĩ-lờ.

⁶ Hũ du mớnih koyoa nau asũ pơnuai-phũn
nữ, bloh lể-toma lăm du pơnuai
tămpơjai-mớsau gờũ sống đờm du pơnuai 'buh
kwơ-màng.

⁷ Buol guñu khiăng ngã du mớnih pôgru poto
pơnuai adăt-adia, bloh buol guñu 'buh wờng du
pơnuai buol guñu đờm, sống kũng 'buh wờng
du pơnuai buol guñu ngã-nìn.

⁸ Buol gudroi thờu pơnuai adăt-adia la siàm,
yah hũ angui topă iou,

⁹ sống thờu lài pơnuai adăt-adia hũ ngã tởbiã
'buh iou tở mớnih rĩng-topă, bloh la tở du
mớnih ngã glài sũng, du mớnih pơblở-dră, du
mớnih 'buh păng-duh, du mớnih glài-sơnoh, du
mớnih 'buh păng-tui, du mớnih đờm sớk-sớrbĩ
khĩn-dơmin truh yàng, du mớnih pơmọtai ame
ama, du mớnih pơmọtai mớnih,

¹⁰ du mớnih ngã glài dri-sơnoh bũng-pơkāl,
du mớnih kơmơi đih-dò duã sống kơmơi du
mớnih lợkơi đih-dò duã sống lợkơi, du mớnih
pơblơi mớnih, du mớnih đờm lờ, du mớnih
đờm topah-sri lờ, sống abih tởgrở pơnuai
tămdră-wỏ sống pơnuai poto-pơsài topă siàm.

¹¹ Nữn la pơnuai poto-pơsài mững
Pơnuai-Siàm màng-kơcrà Yàng Pô Lợngi
lợngai-pơtuah, bloh kơu hũ jào-pơđăr pāl
poto-akhàn.

Ưnjờmừn Mững Hótai-Hotìàn Yàng Anĩt-Rơnãm

12 Kơu ưnjosmừn Pô broi pràn tơ kơu, la Yàng Jêsu Krist, Yàng buol gudroi, koyoa Pô hũ ỡ 'buh kơu la mớnh topá sa hotai-hotiàn nửn hũ pồ-pồđăr kơu ngă mớnh duh bruă Pô.

13 Yah lài dớhơu throi kơu la sa aràng mớnh ỡ-sớlbil khin-dơmỡn, sa aràng mớnh mả-pơkỗ jolàn duh-dớlbăt, sớng sa aràng mớnh sớk-sớrbil, bloh kơu hũ đờ-mả pơnuai Pô anit-rớnăm, koyoa kơu hũ ngă du pơnuai nửn lăm tũ kơu ka wờng thơu sớng ka păng-tui.

14 Bloh pơnuai anit-broi-soh mớng Yàng buol gudroi hũ baũ-bềng lăm kơu, gắ sớng pơnuai păng-tui sớng pơnuai ỡn-rớnăm lăm Yàng Jêsu Krist.

15 Ni la du pơnuai iớũ pắ păng-gớnừm sớng iớũ pắ tô abih tợgrỡ mớnh păng-tui đờ-mả: Yàng Jêsu Krist hũ truh lăm dun-ya tô đờng-pớklàh mớnh glài-sớnoh, lăm du mớnh glài-sớnoh nửn, kơu la mớnh glài traũ rớlau abih.

16 Bloh kũng koyoa pơnuai nửn bloh kơu đờ-mả hũ pơnuai anit-ană, tô koyoa kơu, sa aràng mớnh glài-sớnoh traũ rớlau abih, Yàng Jêsu Krist hũ rợgơi ràng-tớbiă hotai-hotiàn kớng ă-ữn prớng lớnàng Pô, sớng angui kơu ngă kớh tợ du mớnh rớũ păng-tui Pô, tô hũ pơnuai hớdiũ rài pồđờ rài.

17 Yờng lớkơu pơnuai prớng-màng sớng pơnuai màng-kớcrà rài pồđờ rài 'buh lui, dò abih lăm Pơtau rài pồđờ rài, la Yàng Pô Lớngi 'buh tũ lời mớtai, la Pô 'buh aràng sớ 'buh jiờng, sớng mỡn hũ sa soh! Amen.

Poto-Kokoi Pāl Tāmngă Hîl-Pràn

¹⁸ Ở Timôthe, anà kơu, kơu bơi pơnuai gơnuar-pơđar ni tơ anà, tui yơu du pơnuai gơnuar-hwờ hữ đờm dơlhou mững anà, tô gơnũm tơ du pơnuai nũn bloh anà tāmngă hîl-pràn,

¹⁹ păng-rơmiă kojăp pơnuai păng-tui sỡng hotai-hotiàn siàm-tơpă. Hữ du mớnih kơyoa kơmlah-luoi hotai-hotiàn nũn bloh pơnuai păng-tui buol guũ kơđồng mơtai krăm.

²⁰ Lăm tơpuol nũn, hữ Hymene sỡng Aleksandro, la du mớnih kơu hữ jào tơ Satăn, tô buol guũ mơgru thơu juoi đờm sok-sorbil khĩn-dơmĩn tra.

2

Iơu-Lài Tơ Tơgrở Mớnih

¹ Yơu nũn, dơlhou biă kơu poto-kokoi anà pāl iơu-lài, lơkơu-yòng, iơu-lài ala, sỡng ưn jomũn Yàng tơ abih tơgrở mớnih,

² tơ du pơtau, tơ abih du mớnih gơnuar apăn-akô, tô buol gudroi hữ hơdiũ sa rài rĩng-lơngai sỡng kơđỡng-siàm, sa rài hơdiũ tởpă-siàm wĩl-tỏi sỡng păng-duh Yàng Pô Lơngì.

³ Nũn la pơnuai siàm-mơkrư sỡng iỗũ hotai Yàng Pô Lơngì, Yàng Dỡng Pơklah buol gudroi,

⁴ la Pô khiăng abih tơgrở mớnih hữ dỡng-pơklah sỡng wờng-thơu pơnuai-tởpă.

⁵ Kơyoa mĩn hữ sa Yàng Pô Lơngì, sỡng mĩn hữ sa Pô Pơhơlờ Tokrah dò tơkrah Yàng Pô Lơngì sỡng joi anà mớnih, nũn la Yàng Jêsu Krist, kũng la anà mớnih.

⁶ Pô hũ poyă rùp-phũn dơi tô ngã phỡn tởrbuh tởgrở mớnih. Nủn la pởnuai ngã gởh hũ tởbiă truh iởũ tữ-hởrời ngã-nủn.

⁷ Koyoa pởnuai ngã gởh nủn, kờu hũ pồ-pỏđăr ngã mớnih pỏto-akhàn sỡng mớnih tởdi-tỏdài (kờu đờm tởpă biă, 'buh đờm lờ), ngã mớnih pỏgru tở du buỏl làng agàh, tô pỏto buỏl guữ mững pởnuai pắng-tủi sỡng pởnuai-tỏpă.

⁸ Yờu nủn, kờu khiăng du mớnih lỏkời iởu-lài bẻ tở yàu anih pỏtòm-pỏjũm, tở bẻ tởngàn sỏchih-sri tở ngỏ bloh iởu-lài, juởi anok-anoa sỡng tắm-mỏsau.

⁹ Kũng yờu nủn rời, kờu khiăng du mớnih kỏmời pắl cừ angui khắn-ào siàm-rỏgắm, rak-rùp bởhiàn-cở sỡng đũa-kỏđỡng, 'buh ẳũ 'bủ mỏsri-mỏsrài tô bởhiàng pỏmỏyeh halài buh mừh kỏsuàn, pỏtởu ẳk-màng, halài angui khắn-ào ẳk-màng,*

¹⁰ bloh ngã du bruă siàm, la pởnuai iởũ-rỏgắm sỡng du mớnih kỏmời angắn dời la mớnih pắng-duh Yàng Pô Lỏngì.

¹¹ Mớnih kỏmời pắl dò kỏđỡng bloh pắng pỏto, sỡng hỏtai-hỏtiàn pắng-duh wỉl-tỏl.

¹² Kờu 'buh bởrẻi gỏnuar mớnih kỏmời pỏto-pỏsài halài apắn-akỏ tở ngỏ mớnih lỏkời, bloh pắl dò kỏđỡng pắng.

¹³ Koyoa Ađam hũ ẳrỡng-tỏbiă dỏlờu, bloh nủn ka truh Eba,

* 2:9 2:9 Khắn-ào mắk pỏriă.

14 sǒng 'buh iǒũ Adam kǒđòng pǒluǒ pǒng-gǒla, bloh la mǒnih kǒmǒi kǒđòng pǒluǒ pǒng-gǒla sǒng lǎ-tǒma lǎm pǒnuai glài-sǒnoh.

15 Bloh yah yǒu nǔn, mǒnih kǒmǒi rǒũ hũ dǒng-pǒklàh kǒyǒa bruă ãđih apui anà, yah buǒl guũ kũ sǒđau hǒđiũ sǒcǐh-tǒpǎ lǎm pǒnuai pǎng-tui, lǎm pǒnuai uǒn-rǒnǎm, sǒng lǎm pǒnuai sǒcǐh-sri.

3

Mǒnih Apǎn-Akǒ Tǒrpuǒl Goh-Sǒcǐh

1 Ni la pǒnuai iǒũ pǎl pǎng-gǒnǔm: Yah aràng sǒi khiǎng ngǎ mǒnih apǎn-akǒ Tǒrpuǒl Goh-Sǒcǐh, nǔn la lǒkǒu-khiǎng sa gǒnuǎr-bruă mǎng-siǎm biǎ.

2 Yǒu nǔn, mǒnih apǎn-akǒ pǎl la mǒnih 'buh hũ anih lǒi tǒ puai 'buah jiǒng, la pǒsàng mǎn sa aràng sǒđiũ soh, thǒu tǔng-kǒrhia, jak khǒh, hũ mǒnih pǒkǒn ǒ sǒrǒng-mǎng, jiǎng wǎ-rò thuai, sǒng khǒh pǒtǒ-pǒsài,

3 'buh rǒmbuh-rǒmbèng, 'buh mǒsak ǒmrah, bloh pǎl lǒnguh-lǒngui hǒlǎr-siǎm, 'buh tǎmgeh-tǎmǒ, sǒng 'buh hǎm jèn-priǎ.

4 Mǒnih nǔn pǎl khǒh apǎn-akǒ sǎng-dǒnǒ dǒi, thǒu pǒtǒ du anà pǎng-bǒbah ngǎ tui sǒng hũ hǒtai-hotiǎn pǎng-duh.

5 Kǒyǒa mǒnih lǒi 'buh thǒu ǒ apǎn-akǒ sǎng-dǒnǒ dǒi nǔn ngǎ hǒyǒu ǒ apǎn-akǒ Tǒrpuǒl Goh-Sǒcǐh Yàng Pǒ Lǒngi jiǒng?

6 Mǒnih bǒrhǒu pǎng-tui Yàng 'buh hũ ngǎ mǒnih apǎn-akǒ Tǒrpuǒl Goh-Sǒcǐh, huǒi

mơnh nũn rơũ yeh-droi pơglòng-rùp bloh
lẽ-toma lăm pơnuai ngã glài pioh tơ kơmlài
jĩnràk ơu.

⁷ Mơnh apăn-akõ Tơrpuơl Goh-Sơcìh kũng
pãl hũ mơnh agàh ka pãng-tui Yàng ngã gơròh
siàm, tô 'buh kơđòng lê toma lăm pơnuai
klau-potăt sớng gàu-potống kơmlài-jĩnràk.

⁸ Du mơnh đống-bruã Tơrpuơl Goh-Sơcìh
kũng pãl la mơnh jơnãp-kơđống, pãl đờm tốpã
'buh đờm lờr, 'buh alak-tốpai mớbu-mớbềng,
'buh hàm phớh-priã sớũ-broũ 'buh rĩng-tốpã,

⁹ bloh pãl gàr-rơmiã pơnuai tơđơũ-dơrlãm
pơnuai pãng-tui sớng sa hơtai-hơtiàn sớcìh-goh.

¹⁰ Buơl guũ kũng pãl hũ lòng-ơ đơlhou, yah
'buh hũ hơgẽ pãl puai 'buah nũn ka hũ ngã
mơnh đống-bruã Tơrpuơl Goh-Sơcìh.

¹¹ Du mơnh kơmơi * kũng yơu nũn rơi, pãl la
mơnh điaũ-kơđống, 'buh đờm bớrlơi sớdia,
thơu tũng-kớrhia, sớng tốpã sa hơtai-hơtiàn
lãm abih tợgrớ bruã.

¹² Du mơnh đống-bruã Tơrpuơl Goh-Sơcìh
pãl la mơnh mĩn sa aràng sớdiũ sa aràng
pơsàng soh, pãl khờh apăn-akõ du anà sớng
sàng-dơnò droi.

¹³ Koyoa du mơnh ngã siàm gơnuãr-bruã
đống-bruã droi rơũ hũ aràng ơ prớng-màng,
sớng hũ hĩl-pràn lăm pơnuai pãng-tui anih Yàng
Jêsu Krist.

* **3:11 3:11** Du mơnh kơmơi: la đờm mững sớdiũ du mơnh
đống-bruã Tơrpuơl Goh-Sơcìh, sớng hũ rợgơi kũng đờm mững
du mơnh kơmơi đống-bruã Tơrpuơl Goh-Sơcìh rơi.

Pơnuai Tơđơu-Dơlăm Mừng Hotai-Hotian Păng-Duh

¹⁴ Kơu lợkơu-khiăng sơmăr truh của-rơwăng anà, bloh sớđau wă du pơnuai ni,

¹⁵ tô yah kơu hũ suoi truh, nũn gơnũm tơ bơ-àr poyoa ni anà rơũ thou pāl ngă hoyou lăm sàng Yàng Pô Lơngì, nũn la Tơpuol Goh-Sợchìh Yàng Pô Lơngì hơđiũ mĩt-mĩt, gợng-jơmũng sớng rơnữ pơnuai-tợpă.

¹⁶ Biă yơu nũn, pơnuai tơđơu-dơlăm mừng jơlàn păng-tui Yàng la prợng biă:

Pô hũ ràng-tợbiă lăm rùp-phàp drah-rợlo,
 Hũ Bơngă Sợchìh-Sri angăn la rĩng-tợpă,
 Hũ du mơnih gợdrũh ợơ 'buh,
 Hũ pợto-akhàn tợkrah du buol làng agàh,
 Hũ tợgrữ mơnih păng-tui đờ-mă,
 Hũ rò đi lăm pơnuai màng-kợcrà.

4

Du Pô-Poto Lợ Rợũ Truh

¹ Yàng Bơngă Sợchìh-Sri hũ đờm loh-làng lài, lăm tũ-hợơi luĩ-dũt rợũ hũ du mơnih klà lượi pơnuai păng-tui, đũa tui du bợngă-gợdrũh lợr pợng-gợla sớng du pơnuai pợto-pợsài kơmlài-kơmlơh.

² Buol guũ tui du mơnih hotai-hotian mothĩ-lợr, jĩăng đờm lợr, la du mơnih hũ hotai-hotian kră-khăng.

³ Buol guũ pợkợũ 'buh bợi puai lợkợi khiăng kợmợi, sớng pợđăr wèr du phợn 'bợng bloh Yàng Pô Lơngì hũ ợrợng-tợbiă tơ du mơnih

hũ hotai-hotiàn pãng-tui sống wòng thơu pơnuai-tơpă, ưnjơmừn bloh mã angui.

⁴ Koyoa abih tởgrở phỡn Yàng Pô Lơngì cởng-tơbiă la siàm soh, 'buh hũ phỡn hợgẽ pǎl prah luoi, mĩn la hũ đờ-mă sống hotai-hotiàn thơu ưnjơmừn.

⁵ Koyoa gơnừm tở pơnuai Yàng Pô Lơngì sống pơnuai iơu-lài bloh phỡn nừn hũ tởbiă jĩng sỏch-sri.

Gơnuả-Bruả Mơnih Duh Bruả Yàng

⁶ Yah anà mớblàng-poto du pơnuai ni tở buol adơi-ai, nừn anà rờu la mơnih hỏlũn-hỏlă siàm Yàng Jêsu Křit, la sa aràng mơnih hũ rờng-cỉam sống pơnuai pãng-tui sống pơnuai poto-pơsài tởpă-siàm bloh anà hũ pãng tui.

⁷ Pleh atàh bẻ du pơnuai sỏu-broũ tui dun-ya, sống du pơnuai pởch lờ 'buh kỡ-màng hợgẽ, bloh pǎl mớgru-pơsrăm hotai-hotiàn pãng-duh.

⁸ Koyoa bruả mớgru-pơsrăm ngả pràn rùp-phạp nừn kỡ-màng 'buh hũ hỏdừm, bloh bruả pãng-duh nừn kỡ-màng tởl mớta, koyoa lăm nừn hũ pơnuai đờm pơguần tở găm rài ni sống rài hỏdơi wỏ.

⁹ Nừn la pơnuai nĩn-kojăp biă, iỏu pǎl mã hotai-hotiàn pãng-tui wĩl-tỏl bloh đờ-mă.

¹⁰ Biă yờu nừn, koyoa mừng pơnuai-phủn nừn bloh buol gudrẻi pǎl gleh-glẻr ngả bruả sống pǎl tằmngả. Koyoa buol gudrẻi hũ pỏih pơnuai gơnừm-càng lăm anih Yàng Pô Lơngì hỏdiũ mĩt-mĩt, la Yàng Dờng Pỏklẻh tởgrở mơnih, dỏlhou biă la du mơnih pãng-tui Pô.

11 Nừn la du pơnuai anà pǎl k'okoi-pơđǎr
sống pơto-pơsài.

12 Juoi luoi aràng soi ỡ 'buh sớp tơ anà koyoa
anà lơ-ỡneh thũn, bloh pǎl mã pơnuai đờm,
bruǎ ngǎ, hotai-hotiàn uỡn-rỡnǎm, pơnuai
pǎng-tui sống pơnuai goh-s'ốch bloh ngǎ k'roh
tơ du mớnih pǎng-tui.

13 Lǎm tũ càng kou truh, anà pǎl pioh
hotai-ak'ố lǎm bruǎ p'ơpoh-ỡ 'B'òn B'ơ-àr
S'ốch-Sri, pơto-k'okoi, sống pơto-pơsài.

14 Juoi w'ớglai pơnuai b'roi-soh dò lǎm anà, la
pơnuai b'roi-soh hũ b'roi tơ anà koyoa pơnuai
g'ơnuǎr-hw'ớ, tũ t'ơpu'ớl g'ơnuǎr-tha hũ đǎu
t'ơngàn t'ơ ng'ố anà.

15 Anà pǎl ngǎ b'ể t'ơgr'ớ bruǎ nừn, pioh b'ể
abih hotai-hotiàn lǎm t'ơgr'ớ pơnuai nừn, t'ồ
t'ơgr'ớ mớnih 'buh pơnuai đ'ỉ-t'ơg'ồ lǎm anà.

16 Pǎl ỡ-k'ớhia b'ể m'ũng rài h'ớdiũ rùp-phũn
anà sống lǎm pơnuai anà pơto-m'ốblàng. Pǎl
k'ojǎp hotai-hotiàn lǎm abih t'ơgr'ớ bruǎ nừn.
Koyoa ngǎ y'ou nừn, rùp-phũn anà sống du
mớnih pǎng anà pơto-m'ốblàng r'ố hũ
đ'ớng-p'ốklǎh.

5

Adǎt H'ớdiũ Sống Abih T'ơgr'ớ Mớnih

1 Juoi traũ kàng-b'ốbah đờm puai t'ơ du mớnih
tha-m'ớdoǎn, bloh pǎl p'ơlu'ớ-p'ơr'ốngài bu'ớl
gu'ũn y'ou ama. Sống du mớnih l'ốk'oi đǎm nừn
y'ou ad'oi-ai,

² du mớnh kớmoi prớng thũn yờu ame, du mớnh kớmoi dra yờu gớu-kớmoi, sớng abih hotai-hotiàn sớchih-sri wĩl-tỏl.

Du Mớnh Kớmoi Bớdrau

³ Cớ prớng-màng bẻ tớ du mớnh kớmoi bớdrau hớdiũ sa aràng, 'buh hũ anih lời tồ gớnum-gớnàng.

⁴ Yah sa aràng mớnh kớmoi bớdrau hũ anà halài ỏo, nũn đớlhou biã du anà-tỏo pãl mớgru hớdiũ thờu adãt sớng rùp-phũn sàng đớnò đroi, sớng bớ-yàr cũũ ia sớ-uh tớ ame ama. Koyoa pớnuai nũn siàm hotai Yàng Pồ Lớngì.

⁵ Mớnh kớmoi lời biã-biài bớdrau nũn hớdiũ sa aràng, daũ abih pớnuai gớnum-càng lăm Yàng Pồ Lớngì, hớroi-mớlãm kớjãp hotai-hotiàn iớu-lài sớng lớkớu-yỏng.

⁶ Bloh mớnh kớmoi bớdrau lời hớdiũ hàm-tớkrư pớnuai mớ-in sớh tui dun-ya, nũn yah hớdiũ kũng yờu mớtai.

⁷ Anà pãl pớto-pớsỏdớ đừ du pớnuai ni tớ buớl guũ, tồ buớl guũ 'buh hũ anih lời tồ puai 'buah jớng.

⁸ Yah aràng sớ 'buh ỏớ-rỏng mớnh gớũ-gãn đroi, đớlhou biã la mớnh lãm sàng-đớnò đroi, nũn la mớnh kớmlah-luới pớnuai pãng-tui; mớnh nũn dò jớhà rớlau tớ mớnh 'buh pãng-tui ỏớ.

⁹ Tồ hũ wã mớta lãm bớ-àr tớgrớ mớnh kớmoi bớdrau, tớkì biã mớnh kớmoi bớdrau nũn pãl nãm pluh thũn, mĩn hũ sa gãn pớsàng,

¹⁰ pãl la mớnh hũ tiớng-moyỏm koyoa mớng du bruã siàm, yờu rỏng-pớto du anà, hũ

hotai-hotiàn wǎ-rò thuai, rào tǔkai tǔ du mǎnh
sǒch-sri, dǒng-kòl du mǎnh pǎp pǎnuǎi
gleh-glǎr siǒu-kòđòng, sǒng abih hotai-hotiàn
ngǎ tǔgrǒ bruǎ siàm.

¹¹ Bloh pǎl kǒmlah juǒi wǎ mǒta du mǎnh
kǒmǒi bǒdrau dò lǒ-ǒneh thǔn; kǒyoa tǔ
pǎnuǎi hàm-sǒh gah rùp-phàp drah-rǒlo ngǎ tǔ
buǒl guǎu atàh pǒklah sǒng Pô Krist, nǔn buǒl
guǎu khiǎng duah pǒsàng,

¹² sǒng yǒu nǔn buǒl guǎu rǒu kòđòng ngǎ
nǎn-glài, kǒyoa 'buh ngǎ tui iǒu yǒu pǎnuǎi hǔ
đòm pǒguǎn mǔng tǔ cǒmrǔp.

¹³ Rǒlau tǔ nǔn wǒ, buǒl guǎu lǒđǎp mǔng
dò soh, nau rah mǔng sàng ni truh sàng dih;
'buh iǒu mǎn 'bǒng dò soh ǒu, buǒl guǎu dò lô
pǎnuǎi wǒ, jiǎng sǒrmau lǎm bruǎ mǎnh
pǒkǒn, đòm du pǎnuǎi 'buh iǒu pǎl đòm.

¹⁴ Kǒyoa nǔn, kǒu khiǎng du mǎnh kǒmǒi
bǒdrau dò lǒ-ǒneh thǔn pǎl khiǎng pǒsàng, đih
apui anà, cǒ apǎn-akǒ sàng-dònò dǒi, 'buh luǒi
du mǎnh mǒbai-tǎmdrǎ sǒng buǒl gudrǒi hǔ
tǔ pǒtuah tǒ đòm jǒhà bǒrlǒi.

¹⁵ Kǒyoa hǔ du mǎnh kǒmǒi bǒdrau asǔ
jǒlàn bloh nau tui Satǎn bǒjǒ.

¹⁶ Yah mǎnh kǒmǒi pǎng-tui Yàng lǒi hǔ
mǎnh kǒmǒi bǒdrau lǎm sàng-dònò dǒi, nǔn
pǎl dǒng-kòl buǒl guǎu, tǒ 'buh ngǎ pǎnuǎi
gui-ǒnòng traǔ tǔ Tǒrpuǒl Goh-Sǒch, sǒng yǒu
nǔn Tǒrpuǒl Goh-Sǒch hǔ rǒgǒi dǒng-kòl du
mǎnh kǒmǒi bǒdrau biǎ-biài bǒdrau.

Du Mǎnh Gǒnuǎr-Tha

17 Du mớnh gớnuǎr-tha khờh apǎn-akỏ
 Tớrpưỏl Goh-Sớch nủn 'brỏ pǎl hủ ớ
 prớng-màng lô rớlau, dớlhour biǎ la du mớnh
 ngǎ bruǎ gleh-glǎr lǎm gớnuǎr-bruǎ
 pỏto-akhàn sớng pỏto-pỏsài.

18 Kỏyỏa 'Bỏn Bớ-àr Sớch-Sri pỏto: “Jườ gla
 kàng lỏmo dò pớ-juǎ bớđai” * sớng “Mớnh ngǎ
 bruǎ nủn iớu pǎl hủ đớ-mǎ priǎ hớới dớới ngǎ
 bruǎ.”

19 Jườ pǎng pớnuǎi đờm yǎ-bǎ tǎmdrǎ-wỏ
 sớng sa aràng mớnh gớnuǎr-tha, yah 'buh hủ
 dua halài klớu aràng mớnh ngǎ gớh.

20 Du mớnh lớới ngǎ pớnuǎi sớng, anà pǎl
 đờm puǎi pỏto buớl guớu tớ anǎu tớgrớ mớnh,
 tồ du mớnh pỏkớn pǎl huớ.

21 Tớ anǎu Yàng Pồ Lớngì, tớ anǎu Yàng Jớsu
 Krist, sớng tớ anǎu du mớnh gớdrứh hủ
 pỏlih-rỏwah, kớu abih hỏtai-hỏtiàn kớkới-pỏto
 anà pǎl pǎng-rỏmiǎ du pớnuǎi pỏto-pỏđǎr ni,
 'buh hủ sớnủng pỏklah kớới mớnh lớới, kớng
 jườ ngǎ bruǎ hớgẻ kỏyỏa ớớ prớng-màng tớ
 mớnh ni ớớ 'buh sớp tớ mớnh dih.

22 Jườ tớmbah-tớmbàn đǎu tớngàn tớ ngỏ
 mớnh lớới tồ pỏ-jào gớnuǎr-bruǎ, kớng jườ hủ
 pớ-ớnah lǎm glǎi-sỏnoh mớnh pỏkớn.
 Gỏr-rỏmiǎ bẻ rúp-phủn dớới tồ gỏh-sớch.

23 Anà jườ mớn mớnủm ia sỏh, bỏh pǎl angui
 sa-sít alak, kỏyỏa tũng anà 'buh pràn, sớng
 kỏyỏa anà jiǎng lớ-ớn lớngoh mít.

* 5:18 5:18 Akhàn Wỏ Pớnuǎi Adǎt-Adia 25:4.

²⁴ Hũ du mớnh nũn glài-sơnh kớđòng ràng-tỏbiã loh-làng đớlhou tở tử kớng aràng ấahrớña, bloh kũng hũ mớnh truh hớđoi nũn ka glài-sơnh buớ guũ hũ ràng-tỏbiã.

²⁵ Du bruã siàm kũng yờu nũn rới: Hũ bruã nũn ràng-tỏbiã thờu mư, hũ bruã nũn aràng 'buh thờu, bloh truh hớđoi kũng 'buh rớgới bớđờũ tớđờũ mớ jớng.

6

Mớnh Hólũn-Holã

¹ Abih tớgrớ mớnh dò tở ala yờu hólũn-holã pãl ớ prớng-màng tở mớnh pớ đới lãm abih tớgrớ mớta, tồ angãn Yàng Pồ Lớngì sớng pớnuai pỏto-pớsài buớ gudroi 'buh kớđòng aràng đờm sớk-sorbũl khĩn-dớmĩn.

² Du mớnh lới hũ pồ đới la mớnh pắng-tui Yàng, nũn juới mã pớnuai hớnàn kớyoa buớ guũ la adới-ai lãm Tớrpuớ Goh-Sớch bloh ớ 'buh sớp tở buớ guũ. Tớrblớ ớ, 'brớ pãl duh bruã abih hớtai rớlau, kớyoa du mớnh hũ đới duh bruã nũn, buớ guũ gãm la mớnh adới-ai pắng-tui Yàng sớng kũng gãm la mớnh adới-ai đới uớn-rớnãm ớ. Nũn la du pớnuai anà pãl pỏto-pớsài sớng kớkới-pỏto buớ guũ.

Ớ-Kỏrmắp Mứng Pớnuai Pỏto-Pớsài Sứng Asũ

³ Yah hũ mớnh lới pỏto sa jớlàn duh-dớlbắt pớkớn, 'buh rớgãm iớu sớng pớnuai tớpã, sớng 'buh tui jớlàn duh-dớlbắt pắng-duh Yàng buớ gudroi la Yàng Jớsu Krist,

⁴ nũn mớnh nũn la mớnh pơglòng-rùp, 'buh wờng thờu hợgẽ, bloh hũ hotai hàm tấmpơjai sớng khiăng tấm-mớsau pơkăl mững akhãr pơnuai. Koyoa nũn ba truh bruă oàn-mớbai, tấm-mớsau tấmblah, pơtăt-bớlơi, sớng sớnnũng jờhà tờ gờu.

⁵ Du mớnh nũn jiăng tấmpơjai mớsau sớng gờu, koyoa hotai-akõ buol guũu kớđồng sớu-jờhà bớjờ, lờhiă abih pơnuai thờu kràn-konăl pơnuai-tơpă, nũn buol guũu sớnnũng lài bruă păng-duh mĩn la sa pơnuai hơnàn tồ duah 'bớng.

⁶ Pơnuai păng-duh gấm sớng pơnuai sờh-siàm hotai-hotiàn, la sa pơnuai kwo-màng pớng.

⁷ Koyoa tũ tobĩa rài buol gudroi 'buh apăn hợgẽ tui, nũn tũ mớtai kũng 'buh rợgơi apăn hợgẽ nau jiớng.

⁸ Yờu nũn, hũ phớn 'bớng, hũ ào cù, nũn păl sờh-siàm hotai-hotiàn.

⁹ Dồ du mớnh hàm khiăng mớda gơn-hữp nũn rờu lẽ-tớma lấm pơnuai pơluơ-ớnĩai, kuă-kớđồng lấm gạu-pơtớng, sớng lẽ-tớma lấm du pơnuai hàm-khiăng bớrngũl-gớla sớng mớtai-lờhiă, la du pơnuai pớnũ krăm anà mớnh lấm pơnuai pơlui-pơlờhiă sớng roh-rui.

¹⁰ Koyoa hotai-hotiàn hàm jờn-priă la phũn-ớkha tợgrở pơnuai mớsak-jờhà, hũ tợgrở mớnh koyoa đưai tui nũ bloh klà-luoi pơnuai păng-tui, lờng-mă tờ rùp-phũn lô pơnuai pơđi-pơđoa đơnuh-đơnà.

Pơnuai Pơto-Kokoi Timothe

11 Bloh ơ anà, la mớnh Yàng Pô Lơngì, pleh atàh bẻ mửng du pơnuai nửn, bloh tui duah pơnuai rĩng-tơpả, pơnuai pãng-duh, pơnuai pãng-tui, pơnuai uỡn-rơnãm, pơnuai kớng ả-ữn sớng pơnuai lơnguh-lơngui.

12 Anà pảl koyoa bẻ pơnuai pãng-tui bloh tẳmngả hĩl-pràn, tẳmblah mả gớhủ pơnuai hơdiủ rài pơdò rài, la pơnuai hơdiủ bloh anà hủ iớu truh, sớng koyoa nửn bloh anà hủ ngả gớh siàm tớ anaủ lô mớnh ngả gớh.

13 Tớ anaủ Yàng Pô Lơngì la Pô bớri pơnuai hơdiủ tớ abih tớgrớ jới-phớn, sớng tớ anaủ Yàng Jêsu Krist, la Pô hủ ngả gớh tớ anaủ 'Bônớ Pilat sớng sa pơnuai ngả gớh mảng-mớkru', kớu kớkới-poto anà:

14 pảl pãng-rơmiả pơnuai adất-poto ni wĩl-tỏl, 'buh hủ anih lới tồ puai 'buah jớng, tỏl truh tớ hớri Yàng buớ gudrới la Yàng Jêsu Krist tớbiả truh.

15 Nửn la pơnuai bloh Pô Gớnuảr-Prớng Apản-Akỏ Abih Tớgrớ Jới-Phớn sớng hủ mĩn sa, la Pồtau tớgrớ Pồtau, Yàng tớgrớ Yàng, rớủ rảng-tớbiả lảm iớủ tữ-hớri Pô hủ ngả-nửn.

16 Mĩn sa aràng Pô la Pồtau hơdiủ mĩt-mĩt 'buh tữ lới mớtai, dò tớkrah pơnuai sớrdah 'buh aràng sới hủ rớgới truh jẻ jớng, la Pô ka aràng sới 'buh halài hủ rớgới 'buh jớng. Yờng lớkớu pơnuai mảng-kớcrà sớng gớnấp-gớnuảr dò abih lảm Pô rài pơdò rài 'buh lủ! Amen.

Pơnuai Pồto-Kớkới Du Mớnh Mớda

17 Sớng du mớnh mớda gớn-hựp lảm rài dun-ya ni, anà đờm pồto-pồđảr bẻ buớ guủ

juoi yeh-droi pơglòng-rùp, sǒng juoi dau
 pơnuai gơnừm-càng lăm du phỡn-bona priã-jèn
 'buh nìn-kojăp, bloh pãl pioh bẻ hơtai-hotiàn
 gơnừm-càng lăm Yàng Pô Lơngì, la Pô yàu hơroi
 broi tởgrữ phỡn đơlah-đơlài tô buol gudroi
 angui 'bớng.

¹⁸ Anà kớkoi-poto bẻ buol guño pãl ngã bruã
 siàm; sǒng tởgrữ bruã siàm buol guño pãl
 ràng-tởbiã la du mớnih mớda gớn-hữp, hữ
 hơtai-hotiàn sớmah-sớmai, pãl la du mớnih
 sờh-siàm hơtai-hotiàn pờpha broi tở mớnih
 pớkỡn.

¹⁹ Ngã yờu nừn la buol guño tởgừm-pioh tở
 droi sa boh rỡnở siàm sǒng kojăp-pràn tở hơroi
 hơroi, tô hữ apăn kojăp pơnuai hớdiũ biã.

Pơnuai Đờm Kớkoi-Poto Luĩ-Dũt

²⁰ Ở Timôthe, gờ-rớmiã bẻ tởgrữ pơnuai
 hợgẻ hữ jào tở anà, pleh atàh bẻ mừng du
 pơnuai wĩ-wở sỡu-broũ tui dun-ya, sǒng tởgrữ
 bruã tằmpờjai mớsau mừng du pơnuai sớnừng
 la jak-thờu bloh 'buh iớu la jak-thờu biã.

²¹ Hữ du mớnih, kớyoa khiăng angăn droi la
 mớnih hữ pơnuai jak-thờu nừn, bloh lớhiã
 pơnuai pắng-tui.

Yòng lớkờu pơnuai anít-broi-soh dò sǒng buol
 adoi-ai!

Chru
Chru: Chru (New Testament)

copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 11 Mar 2026 from source
files dated 1 May 2025

29890c73-845e-5b2d-84d7-4d631546315a